

1. ხელშეკრულების დამდები მხარეები

1.1. ერთი მხრივ, სსიპ - ჯანმრთელობის ეროვნული სააგენტო (შემდგომში - „შემსყიდველი“), წარმოდგენილი დირექტორის, მოთა შავლაყადის სახით და მეორე მხრივ, შპს „ფსიქიკური ჯანმრთელობის და ნარკომანიის პრევენციის ცენტრი“ (შემდგომში - „მიმწოდებელი“), წარმოდგენილი გენერალური დირექტორის, ბორის თაყაიშვილის სახით, ველმძღვანელობთ რა, საქართველოს მოქმედი კანონმდებლობით, მათ შორის, „2024 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2023 წლის 29 დეკემბრის N529 დადგენილებით, სახელმწიფო შესყიდვების სააგენტოს თავმჯდომარის 2023 წლის 26 დეკემბრის N3885 განკარგულებითა (SMP230003065) და „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტით, ვდებთ წინამდებარე სახელმწიფო შესყიდვების (CPV კოდი 85100000) შესახებ ხელშეკრულებას შემდეგზე:

2. ხელშეკრულების საგანი

2.1. ხელშეკრულების საგანს წარმოადგენს „2024 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2023 წლის 29 დეკემბრის N529 დადგენილებით (შემდგომში - „დადგენილება“) დამტკიცებული „ფსიქიკური ჯანმრთელობის“ (დანართი N12) სახელმწიფო პროგრამის (შემდგომში ტექსტში - „პროგრამა“) მე-3 მუხლის მე-5 პუნქტით გათვალისწინებული სამედიცინო მომსახურების განხორციელება (თემზე დაფუძნებული მობილური გუნდის მომსახურება მძიმე ფსიქიკური აშლილობის მქონე პირებისთვის - 3 (სამი) მობილური გუნდის მეშვეობით, (ვაკის რაიონი, ქ. თბილისი; საბურთალოს რაიონი, ქ. თბილისი; სამგორის რაიონი, ქ. თბილისი; საგარეჯოს მუნიციპალიტეტი), „პროგრამის“ დანართი N12.4. განსაზღვრული ნოზოლოგიების შესაბამისად.

3. მომსახურების გაწევის პირობები

3.1. ხელშეკრულებით გათვალისწინებული მომსახურება განხორციელდება 2024 წლის 01 იანვრიდან 2024 წლის 31 დეკემბრის ჩათვლით.

3.2. მომსახურების გაწევა ხორციელდება საქართველოს მოქმედი კანონმდებლობის, მათ შორის, „დადგენილებით“ გათვალისწინებული და/ან „შემსყიდველის“ მიერ განსაზღვრული (ასეთის არსებობისას) მოთხოვნების შესაბამისად.

4. ხელშეკრულების ღირებულება

4.1. ხელშეკრულების საერთო ღირებულება შეადგენს არა უმეტეს 280 800.00 (ორას ოთხმოცი ათას რვაასი ლარი და 00 თეთრი) ლარს.

4.1.1. ერთი თვის ლიმიტი შეადგენს 23 400.00 (ოცდასამი ათას ოთხასი ლარი და 00 თეთრი) ლარს.

4.2. ხელშეკრულების საერთო ღირებულება, მოიცავს საქართველოს მოქმედი კანონმდებლობით დადგენილ ყველა გადასახადს, რომლის გადახდა ეკისრება „მიმწოდებელს“.

4.3. პროგრამით გათვალისწინებული მომსახურების დაფინანსება ხორციელდება გლობალური ბიუჯეტის პრინციპით, დანართი 12.8-ის შესაბამისად. თითოეულ მობილურ გუნდზე თვის ლიმიტი შეადგენს 7 800 (შვიდი ათას რვაასი) ლარს (მ.შ. არანაკლებ 35% მდგ წევრების ხელფასების ასანაზღაურებლად).

5. მხარეთა უფლება-მოვალეობანი

5.1. „მიმწოდებელი“ ვალდებულია:

5.1.1. ზედმიწევნით და განუხრელად დაიცვას „დადგენილების“, /პროგრამის/, წინამდებარე ხელშეკრულების პირობები და „შემსყიდველის“ მიერ დადგენილი (მიღებული) მოთხოვნები (ასეთის არსებობის შემთხვევაში);

5.1.2. გაარკვიოს პაციენტი (ან მისი წარმომადგენელი) თავის (პაციენტის) უფლება-მოვალეობებში და მისცეს საჭირო ახსნა განმარტებები პროგრამის იმ ნაწილის შესახებ, რომელიც ეხება პაციენტს;

5.1.3. პროგრამის მოთხოვნის სრული დაცვით აღმოუჩინოს (გაუწიოს) შესაბამისი სამედიცინო დახმარება (მომსახურება) პაციენტს;

5.1.4. ოპერატორულად მიაწოდოს „შემსყიდველის“ ინფორმაცია, რაც უკავშირდება „მიმწოდებელის“ მხრიდან ხელშეკრულებით გათვალისწინებული მომსახურეობის გაწევის შეფერხებას და/ან შეწყვეტას (მაგ.: სამედიცინო საქმიანობის ლიცენზიის/ნებართვის შეჩერება, ჩამორთმევა და ა.შ.).

5.1.5. „შემსყიდველის“ მოთხოვნის შესაბამისად, მიაწოდოს მას ნებისმიერი ინფორმაცია თუ დოკუმენტი, რომელიც უკავშირდება პროგრამის ადმინისტრირებას და/ან ამ მუხლის 5.3.1. პუნქტით გათვალისწინებული ვალდებულების შესრულებას, საქართველოს კანონმდებლობის დაცვით;

5.2. „მიმწოდებელი“ უფლებამოსილია:

5.2.1. მიიღოს „შემსყიდველისგან“ პროგრამის მიხედვით შესრულებული მომსახურების საფასური;

5.2.2. მოითხოვოს „შემსყიდველისგან“ ხელშეკრულების სხვა პირობების შესრულება.

5.3. „შემსყიდველი“ ვალდებულია:

5.3.1. აუნაზღაუროს „მიმწოდებელს“ გაწეული სამედიცინო მომსახურების საფასური კანონმდებლობის შესაბამისად;

5.3.2. გააცნოს „მიმწოდებელს“ ამ მუხლის 5.4.3. პუნქტის შესაბამისად მიღებული (გამოცემული) აქტი. გაცნობად ჩაითვლება აქტის „შემსყიდველის“ ვებ-გვერდზე (<https://nha.gov.ge>) გამოქვეყნება;

5.3.3. დაიცვას ხელშეკრულების სხვა პირობები.

5.4. „შემსყიდველი“ უფლებამოსილია:

5.4.1. მოთხოვნის „მიმწოდებელს“ წინამდებარე ხელშეკრულებით გათვალისწინებული პირობების შესრულება;

5.4.2. მოთხოვნის „მიმწოდებელს“ დამატებითი ინფორმაცია და დოკუმენტები, რაც უკავშირდება „მიმწოდებელის“ მიერ გაწეულ მომსახურებას;

5.4.3. საჭიროების შემთხვევაში, პროგრამით გათვალისწინებული ურთიერთობების დარეგულირების მიზნით, მიიღოს (გამოსცეს) ინდივიდუალური ადმინისტრაციულ-სამართლებრივი აქტი, რომლის შესრულებაც სავალდებულოა „მიმწოდებლისათვის“ იმ მოცულობით, რაც უკავშირდება ხელშეკრულებით გათვალისწინებული მომსახურების გაწევას. ამ პუნქტით გათვალისწინებული აქტის მიღება წარმოადგენს „შემსყიდველის“ უფლებას და არა ვალდებულებას.

6. მომსახურების მიღება-ჩაბარების და მიმწოდებელთან ანგარიშსწორების წესი

6.1. მომსახურების მიღება-ჩაბარება (გაწეული მომსახურების შესახებ შემსყიდველთან ანგარიშგება) ხორციელდება „დადგენილებით“ / „პროგრამით“ და შემსყიდველის მიერ განსაზღვრული პირობებით/ფორმებით;

6.2. გაწეული მომსახურების ღირებულების ანაზღაურება ხორციელდება „დადგენილების“ შესაბამისად, უნადდო ანგარიშსწორების გზით, ლარებში, მიმწოდებლის საბანკო რეკვიზიტების მიხედვით.

7. ხელშეკრულების შესრულების ზედამხედველობა

7.1. ხელშეკრულებით გათვალისწინებული მომსახურების ზედამხედველობა „დადგენილებით“ განსაზღვრული კომპეტენციის ფარგლებში, „პროგრამის“ პირობების შესაბამისად.

8. პასუხისმგებლობა ხელშეკრულების პირობების დარღვევისათვის

8.1. ხელშეკრულებით გათვალისწინებული მომსახურების პირობების დარღვევისათვის „მიმწოდებლის“ პასუხისმგებლობა განისაზღვრება მოქმედი კანონმდებლობით, მათ შორის, „დადგენილებით“.

8.2. „მიმწოდებლის“ მიმართ ნაკისრი ვალდებულებების დარღვევისათვის „შემსყიდველის“ პასუხისმგებლობა განისაზღვრება მოქმედი კანონმდებლობით.

8.3. საჯარიმო სანქციების გადახდა არ ათავისუფლებს მიმწოდებელს ხელშეკრულების პირობების დარღვევის გამო დამდგარი ზიანის ანაზღაურების ვალდებულებისაგან.

9. ხელშეკრულების შეწყვეტა

9.1. ხელშეკრულება შეიძლება შეწყვეტილ იქნეს:

9.1.1. ურთიერთვალდებულებების შესრულებით;

9.1.2. მხარეთა შეთანხმებით;

9.1.3. საქართველოს მოქმედი კანონმდებლობითა და/ან წინამდებარე ხელშეკრულებით გათვალისწინებულ სხვა შემთხვევებში.

9.1.4. ერთი მხარის ინიციატივით, ერთი თვით ადრე მეორე მხარის წინასწარი წერილობითი ინფორმირების შემდეგ, გარდა ხელშეკრულების 9.1.1-9.1.3 პუნქტებით გათვალისწინებული საფუძვლი (ებ)ით ხელშეკრულების შეწყვეტისა. ამ პუნქტის პირობის დაუცველობა განაპირობებს დამრღვევი მხარის დაჯარიმებას ხელშეკრულების საერთო ღირებულების 10%-ის ოდენობით.

9.2. მხარეთა შეთანხმებით ხელშეკრულების შეწყვეტის შემთხვევაში, ინიციატორი მხარე მეორე მხარეს უგზავნის წერილობით შეტყობინებას.

9.3. ხელშეკრულების შეწყვეტის შესახებ წერილობითი შეტყობინება არ ათავისუფლებს მხარეებს ხელშეკრულების მოქმედების პერიოდში ნაკისრი ვალდებულებების შესრულებისაგან.

9.4. „შემსყიდველის“ შეუძლია, მთლიანად ან ნაწილობრივ, შეწყვიტოს ხელშეკრულება, ვალდებულებების შეუსრულებლობის შესახებ „მიმწოდებლის“ წერილობითი ინფორმირებისა და ვალდებულების შესრულებისათვის დამატებით განსაზღვრული გონივრული ვადის უძედევობ გასვლის შემდეგ.

9.5. „შემსყიდველის“ შეუძლია, „მიმწოდებლის“ წინასწარი გაფრთხილების გარეშე, მიიღოს გადაწყვეტილება ხელშეკრულების ვალმხრივად შეწყვეტის შესახებ, აგრეთვე:

9.5.1. თუ აშგარა, რომ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების შესრულებას, გარდა ფორს-მაჟორული გარემოებებისა;

9.5.2. საქართველოს კანონმდებლობით გათვალისწინებულ სხვა შემთხვევებში.

9.6. ხელშეკრულების ან მისი ცალკეული პირობის მოქმედების შეწყვეტა არ ათავისუფლებს „მიმწოდებელს“ ხელშეკრულების სხვა პირობის შესრულების და/ან ხელშეკრულების მოქმედების პერიოდში დამდგარი ზიანის ანაზღაურების ვალდებულებისაგან.

10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველის“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ მაგრამ არაუგვიანეს 48 (ორმოცდარვა) საათისა, უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოების ზეგავლენისაგან.

11. ხელშეკრულების პირობების და ფასების გადასინჯვა

11.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

11.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან მხარეთათვის უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12. სადავო საკითხების გადაწყვეტა

12.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგარონ ურთიერთშეთანხმების გზით.

12.2. სადაო საკითხის შეთანხმების გზით მოგვარების შეუძლებლობის შემთხვევაში, მხარეებს შეუძლიათ მიმართონ საქართველოს სასამართლოს, კანონმდებლობით დადგენილი წესით.

13. ხელშეკრულების მოქმედების ვადა

13.1. წინამდებარე ხელშეკრულება ვრცელდება 2024 წლის 01 იანვრიდან წარმოშობილ ურთიერთობებზე და მოქმედებს 2025 წლის 31 იანვრის ჩათვლით.

14. ხელშეკრულების შესრულების გარანტია

14.1. „მიმწოდებლის“ მიერ სახელმწიფო შესყიდვების შესახებ ხელშეკრულების შეუსრულებლობით წარმოქმნილი რისკის აცილების მიზნით გამოიყენება გარანტიორების მექანიზმის შემდეგი სახე – ხელშეკრულების საერთო ღირებულების 2%-იანი სადაზღვევო და/ან საბანკო გარანტია. საბანკო გარანტია ძალაში უნდა იყოს მინიმუმ 2025 წლის 5 მარტის ჩათვლით.

14.2. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია ხელშეკრულების შესრულების უზრუნველყოფის გარანტიის მოქმედების პერიოდში მიმართოს გარანტიის გამცემ ორგანის (გარანტის) და მოითხოვოს ხელშეკრულების შესრულების გარანტიით გათვალისწინებული თანხა.

14.3. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი მიღება-ჩაბარების (შესრულების) აქტის გაფორმებიდან 30 დღის ვადაში მიმწოდებლის წერილობითი მოითხოვნის საფუძველზე უზრუნველყოფს ხელშეკრულების შესრულების გარანტიის დაბრუნებას.

14.4. მიმწოდებლის მიმწოდებლის მიზნების გამო ხელშეკრულების შეწყვეტის შემთხვევაში შემსყიდველი მიმწოდებლის მიმწოდებლის მოითხოვნისთანავე უზრუნველყოფს ხელშეკრულების შესრულების გარანტიის დაბრუნებას.

14.5. „მიმწოდებელმა“ სადაზღვევო და/ან საბანკო გარანტია უნდა წარმოადგინოს ხელშეკრულების გაფორმებიდან 15 (თხუთმეტი) სამუშაო დღის ვადაში.

14.6. თუ მიმწოდებლმა 14.5 პუნქტით განსაზღვრულ ვადაში არ წარმოადგინა ხელშეკრულების უზრუნველყოფის საბანკო გარანტია, დაკისრება პირგასამტებლო ხელშეკრულების ჯამური ღირებულების 0.2%-ის ოდენობით ყოველ ვადაგადაცილებულ დღეზე. თუ ჯარიმის ოდენობა გადააჭარბებს ხელშეკრულების ღირებულების 2%, შემსყიდველი უფლებამოსილია ცალმხრივად შეწყვიტოს ხელშეკრულება.

15. სხვა პირობები

15.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

15.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

15.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

15.4. მხარეთა შორის გაფორმებული ხელშეკრულებით გათვალისწინებული ვალდებულებების შესრულების მიზნით და მათი საქმიანობის სპეციფიკიდან გამომდინარე, მხარეებმა შესაძლოა დამუშაონ და/ან ერთმანეთს გაუზიარონ რიგი პერსონალური მონაცემები, მათ შორის, განსაკუთრებული კატეგორიის მონაცემები.

15.5. ამგვარი ინფორმაციის მიმღებმა პირმა უნდა უზრუნველყოს, რომ მას ჰქონდეს კონფიდენციალურობისა და პერსონალურ მონაცემთა დაცვის სრულყოფილად დანერგილი შიდა წესები/სისტემები, სავალდებულო რეგულაციები, რომლებიც სრულ შესაბამისობაშია/იქნება მოქმედ კანონმდებლობასთან და რომლებიც სრულად გავრცელდება ინფორმაციის დამუშავებლისგან/გადამცემისაგან მიღებულ ინფორმაციაზე. შესაბამისად, ამ ურთიერთობის თითოეული მხარე (როგორც მონაცემთა დამმუშავებელი/გადამცემი, ასევე, უფლებამოსილი/მიმღები პირი და მისი ნებისმიერი ქვე-კონტრაქტორი) ვალდებულია უზრუნველყოს, რომ მისი საქმიანობა სრულ შესაბამისობაში იყოს პერსონალურ მონაცემთა დაცვის კუთხით არსებული კანონმდებლობის მოთხოვნებთან და ასევე, მკაცრად დაიცვას ქვემოთ მოცემული პირობები:

15.5.1. მხარემ პერსონალურ მონაცემთა დამუშავება უნდა განახორციელოს კანონით განსაზღვრული პრინციპების დაცვით, ხოლო თუ მონაცემთა დამუშავებისთვის კანონი ითვალისწინებს მონაცემთა სუბიექტის თანხმობას, მოიპოვოს/მოპოვებული ჰქონდეს აღნიშნული თანხმობა (წერილობით ან ელექტრონული ფორმით). თანხმობა გაცემული უნდა იყოს ნებაყოფლობით, მკაფიო, მარტივი და გასაგები ენით. ამასთან, ასეთი თანხმობა, დაუყოვნებლივ უნდა იქნას წარდგენილი მონაცემების მიღებისათვის, ასეთის მოთხოვნის შემთხვევაში.

15.6. პერსონალურ მონაცემების დამუშავებაზე უფლებამოსილი/ინფორმაციის მიმღები პირი ვალდებული იქნება:

15.6.1. განახორციელოს მონაცემთა დამუშავებლის მიერ მიწოდებული მონაცემების დამუშავება იმ მოცულობით და ფარგლებში, რაც აუცილებელია მხარეთა შორის გაფორმებული ხელშეკრულებით განსაზღვრული პირობებისა და მიზნების შესასრულებლად ან გათვალისწინებულია კანონმდებლობით ან მარეგულირებლის მოთხოვნით;

15.6.2. დანერგოს ყველა ტექნიკური ან ორგანიზაციული ზომა და განახორციელოს ყველა აუცილებელი ქმედება, რათა აცილებული იქნას მონაცემთა დამმუშავებლის მიერ მიწოდებული პერსონალური მონაცემების არაავტორიზებული ან უკანონო დამუშავება, მათი დაკარგვა, განადგურება, დაზიანება, არაავტორიზებული ცვლილება ან გასაჯაროება და შეატყობინოს მონაცემთა დამმუშავებელს მის მიერ მიღებული ზომების შესახებ;

15.6.3. მონაცემთა დამმუშავებლის თანხმობის გარეშე, არ განახორციელოს მონაცემთა დამმუშავებლის მიერ მიწოდებული ინფორმაციის მესამე პირებისთვის გადაცემა (გარდა იმ მესამე პირებისა, რომელთათვისაც მონაცემების გადაცემა აუცილებელია მხარეთა შორის გაფორმებული ხელშეკრულებით განსაზღვრული ვალდებულებების შესასრულებლად და ან კანონის ძალით), ამასთან, ნებისმიერი საფუძვლით, მონაცემების მესამე პირებისთვის გადაცემის შემთხვევაში, უფლებამოსილი პირი ვალდებულია მონაცემების გადაცემა განახორციელოს წერილობითი ხელშეკრულების საფუძველზე, რომლის თანახმადაც მესამე პირი და/ან მისი სუბ-კონტრაქტორები ვალდებული იქნებიან მიიღონ ყველა აუცილებელი ტექნიკური ან ორგანიზაციული ზომა და განახორციელონ ყველა ქმედება, რათა აცილებული იქნას პერსონალური მონაცემების არაავტორიზებული ან უკანონო დამუშავება, მათი დაკარგვა, განადგურება, დაზიანება, არაავტორიზებული ცვლილება ან გასაჯაროება;

15.6.4. ნებისმიერი ზიანის/ზარალის ანაზღაურებაზე, რომელიც შესაძლოა მიადგეს მონაცემთა დამმუშავებელს, უფლებამოსილი პირის მიერ მონაცემთა დამუშავების თაობაზე ნაკისრი და/ან კანონმდებლობით გათვალისწინებული ვალდებულებების შეუსრულებლობის ან/და არაჯეროვანი შესრულების შედეგად. უფლებამოსილი პირი თანახმა, აუნაზღაუროს და დაიცვას მონაცემთა დამმუშავებელი ნებისმიერი (მათ შორის არაპირდაპირი) ზიანისაგან (რაც ყოველგვარი შეზღუდვის გარეშე მოიცავს შედეგობრივ ზარალს), საჩივრისგან, ხარჯისგან (რაც ყოველგვარი შეზღუდვის გარეშე მოიცავს იმ ხარჯებს, რომლებსაც მონაცემთა დამმუშავებელი გაიღებს საკუთარი უფლებების განსახორციელებლად), იურიდიული პროცესისგან და ნებისმიერი სხვა ვალდებულებისგან, რომელიც ამგვარი დარღვევის შედეგად შეიძლება წარმოიშვას.

15.7. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და ფაქტების დადასტურება.

15.8. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჭღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

15.9. ხელშეკრულების რომელიმე პირობის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე პირობის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდება წინამდებარე ხელშეკრულების ხელმოწერის შემდეგ, მხარეები თანხმდებიან, რომ ამ შემთხვევაში, არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

15.10. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

15.11. ხელშეკრულება შედგენილია ქართულ ენაზე, 1 (ერთი) ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

16. მხარეთა იურიდიული მისამართები და რეკვიზიტები

„შემსყიდველი“

სსიპ „ჯანმრთელობის ეროვნული სააგენტო“

მის: ქ.თბილისი, ა. წერეთლის N144

ს/კ 200294519; ბანკი: სახელმწიფო ხაზინა

კოდი:TRESGE22; ანგარიში: GE24NB0330100200165022

„მიწოდებელი“

შპს „ფსიქიკური ჯანმრთელობის და ნარკომანიის

პრევენციის ცენტრი“

ქ. თბილისი, ქავთარაძის ქ. ჩიხი N2

სს „საქართველოს ბანკი“; ბანკის კოდი: BAGAGE22

ა/ა N GE79BG0000000544099548; ს/კ 404945164

შოთა შავლაყაძე
დირექტორი

ბორის თაყაიშვილი
გენერალური დირექტორი